


DEMOKRATSKO UPRAVLJANJE I UČEŠĆE DRUŠTVENE ZAJEDNICE PUTEM MEDIJACIJE

Sve najnovije informacije
o implementaciji ROMED-a 2,
možete naći na našoj stranici
<http://coe-romed.org>
ili nam se možete obratiti putem
e-maila naromed@coe.int



BOS



www.coe.int

The Council of Europe is the continent's leading human rights organisation. It comprises 47 member states, 28 of which are members of the European Union. All Council of Europe member states have signed up to the European Convention on Human Rights, a treaty designed to protect human rights, democracy and the rule of law. The European Court of Human Rights oversees the implementation of the Convention in the member states.



Funded
by the European Union
and the Council of Europe



Implemented
by the Council of Europe

OD ROMED-A DO ROMED2-A

U periodu od 2011. do 2013. godine, program ROMED je položio temelje za kvalitetnu medijaciju u 22 evropske zemlje. Sa više od 1300 obučениh medijatora, program je osigurao da se medijacija¹ između romskih zajednica² i javnih institucija provodi pravedno, izbjegavajući zamke i klopke složenog odnosa koje mogu postojati između te dvije strane. Ova faza Programa je još uvijek u toku, uz priključivanje novih zemalja (Litva) i onih koje produžuju implementaciju kako bi odgovarala njihovim posebnim zahtjevima (Bosna i Hercegovina, Rumunija, Ukrajina i sl.).

— Nakon prve dvije godine programa ROMED, organizacijski i institucionalni implementacijski partneri su uputili nova pitanja Vijeću Evrope i Evropskoj Uniji: na koji način podstaći demokratsko učešće u društvenim zajednicama? Kako možemo osigurati da javne ustanove sarađuju i izražavaju aktivno zanimanje za takav proces? I, prije svega, kako možemo poduzeti temeljite akcije koje bi putem medijacije donijele stvarne i smislene promjene u svakodnevni život društvenih zajednica?

— Pored ovih pitanja, kao i osnove utvrđene u prvoj fazi, koncept ROMED2 je nastao u cilju poduzimanja sveobuhvatnije akcije u onim mjestima gdje medijacija već postoji, gdje su medijatori obučeni za rad na ROMED programu i gdje postoji veća vjerojatnost postizanja promjena kroz demokratsko učešće Roma.

KO JE U SREDIŠTU PROCESA?

ROMED2 sadržaj aktivnosti je razvio međunarodni tim stručnjaka kako bi se odgovorilo situaciji i specifičnom kontekstu na terenu uz pomoć nacionalnih timova za podršku programa ROMED2.

— Sadrži module i resurse za obuku o temama kao što je vodstvo, moć, participativno i inkluzivno odlučivanje, upravljanje konfliktima, razvoj interkulturalne kompetencije, upravljanja raznolikostima, itd.

— Obučena je ekipa trenera/voditelja o načinu implementacije ROMED2 sadržaja aktivnosti u praksi.

— Radne aktivnosti u svakoj zemlji predvodi nacionalni tim za podršku koji je sastavljen od nacionalnog projektnog službenika, Fokalne tačke iz prethodne faze, trenera/voditelja/medijatora i stručnjaka čiji rad koordinira Vijeće Evrope.

— U samo središte procesa, ROMED2 stavlja akcionu grupu društvene zajednice - to jest, građane romske nacionalnosti - čime u isto vrijeme motivira njihovu sposobnost da učestvuju tražeći kapacitete javnih institucija da odgovore na njihove potrebe.

— Akciona grupa društvene zajednice se sastoji od građana koji žive u zajednici, muškaraca i žena, koji se postepeno uključuju u demokratske procese općine u kojoj žive. Ovaj se proces pretvara u stvarnu mogućnost da se čuje njihov glas - na organizovan način, imajući u vidu raspoloživa sredstva lokalnih vlasti, ali i njihova prava i dužnosti kao građana - prioriteta za koje smatraju najhitnijim da se s njima bave putem održivog dijaloga sa lokalnim vlastima.-

— Posebna pažnja je u ovom procesu rezervisana i usmjerena na učešće Romkinja (npr. u akcionim grupama društvene zajednice, nacionalnim timovima za podršku i očekivanim ishodima osnaživanja društvene zajednice).

— ROMED2 koristi medijaciju, načelo dobrog upravljanja i zahtijeva organiziranje društvene zajednice kao sredstvo pokretanja procesa koji će biti održiv i pravičan za svakoga. Posebna će se pažnja pridavati obezbjeđivanju učešća žena i omladine kako bi se uzeli u obzir prioriteta koji se posebno odnose na te dvije grupe.

GDJE JE IMPLEMENTACIJA U TOKU?

U ovoj fazi ROMED2 obuhvaća deset zemalja: Belgija, Bosna i Hercegovina, Bugarska, Grčka, Mađarska, Italija, Portugal, Rumunija, Slovačka Republika i "Bivša Jugoslovenska Republika Makedonija". U svakoj je zemlji odabrano otprilike pet do šest općina za implementaciju.

— Jedna od glavnih teškoća u prvoj fazi ROMED programa je predstavljao opseg implementacije koji nije omogućavao dublju akciju kao ni fino podešavanje medijacije, vodeći računa o lokalnom kontekstu; ROMED2 je tako sačinjen da bi mogao prevladati ovakav nedostatak.

— U pet od deset zemalja (Bugarska, Mađarska, Italija, Rumunija i Slovačka Republika), ROMED2 se u isto vrijeme implementira i kao ROMACT Program, koji predstavlja novu zajedničku inicijativu Vijeća Evrope i Evropske Unije koje planiraju obezbijediti obuku javnih institucija na polju demokratskog učešća Roma u životu društvenih zajednica. Za dodatne informacije o ROMACT posjetite web stranicu www.coe-romact.org.

ŠTA ĆE SE DOGAĐATI?

ROMED2 program je pokrenut u deset zemalja u kojima će se implementirati: Belgija, Bosna i Hercegovina, Bugarska, Grčka, Mađarska, Italija, Portugal, Rumunija, Slovačka Republika i "Bivša Jugoslovenska Republika Makedonija".

— Iako bi proces u pravilu trebao slijediti iste korake u odabranim općinama, ROMED2 se prilagođava raznolikosti konteksta i potreba, čime se omogućuje maksimalna fleksibilnost redosljeda i vremenskog usklađivanja takvih koraka. Iako se efikasna implementacija planira do marta 2015. godine, cilj ROMED2 je da započne održiv proces koji će trajati i nakon tog datuma.

— Treba naglasiti da je taj proces dugotrajan, složen i da zahtijeva sredstva: vrijeme i lična ulaganja građana koji s jedne strane učestvuju u Akcionoj grupi društvene zajednice, kao i potrebnu predanost i odgovornost javnih ustanova sa druge strane. Upravo ovakve «male pobjede» koje se postepeno dešavaju u situacijama s koristi za obje strane podrazumijevaju da je ROMED2 siguran kako je moguće stvaranje takvog konteksta. To će nesumnjivo dovesti do boljih odnosa između romskih zajednica i lokalnih vlasti, podići samopoštovanje samih Roma kako bi postali punopravni građani društva i, naposljetku bolji život i bolje upravljanje za sve.

1. Preporuka CM/Rec(2012)9 Komiteta ministara zemljama članicama o medijaciji kao efikasan instrument za promoviranje poštivanja ljudskih prava i društvene inkluzije Roma

2. Termin "Romi" koji se koristi u Vijeću Evrope odnosi se na Rome, Sinte, Kale i srodne grupe u Evropi, uključujući Putnike i Istočne grupe (Dom i Lom), pokrivajući raznolikost takvih grupa, kao i osobe koje se identifikuju kao "Cigani"